



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt III. Idem.

[urn:nbn:de:hbz:466:1-74544](#)

Bonifacius VIII. in cap. 21. hoc tit. in 6. ideo conceditur Abbatii, ut possit in praesenti casu beneficium absolutionis monachis impendere, cap. canonica, hoc tit. cap. quoniam, de vita & honest. clericorum. docuerunt Germonius lib. 3. de sacror. immunit. cap. 9. num. 26. Suarez de censur. disput. 22. sect. 1. Tamburin. de jure Abbac. tom. 2. disput. 14. quest. 10. Gibalinus ubi suprā Itaque religiosus percutiatur eijsdem ordinis, potest absolvī à Priorre, Guardiano, Praeposito, seu ejus Praelato; dum tamen percussio gravis, & enormis non sit, cap. canonica, hoc tit. ubi restringitur generaliter prae-

sens textus. Si verò Religiosus percuferit religiosum alterius Ordinis, poterit absolvī à proprio Praelato, sed praesente Praelato religiosi offendit; atque ita utriusque Praelati consensu imponi debet condigna satisfactio, cap. cum illorum, hoc tit. Religiosus verò qui clericum secularem percussit, non à suo Praelato praesente Episcopo, sed ab Episcopo tantum, si percussio levis fuerit, absolvī debet, dict. cap. cum illorum, cap. religiosi, eod. tit. lib. 6. quos, & alios, casus prosequuntur Fragoso dicto lib. 1. disput. 2. §. 3. Diana dict. tract. 4. resol. 49. cum quatuor sequent. Tamburin. dicta. disp. 54.

CAPUT III.

Idem.

Si verò aliquis alicuius potestatis ostiarius sub praetextu officii sui malignatus clericum läserit, ab Episcopo suo potest absolvī, nisi forte eundem clericum vulneravit graviter, b Officialis verò pro injectione manuum in clericum non potest sine mandato Romani Pontificis absolutionis beneficium promereri, quia nulli laico super clericum tanta datur auctoritas, nisi forte turbam arcendo irruentem, non ex deliberatione, sed fortuito casu clericum lädet. Si verò clericum vim sibi inferentem vi repellat, vel lädat, non debet propter hoc ad Apostolicam Sedem transmitti, si in continentibus vim vi repellat, cum vim vi repellere omnes leges, omniaque jura permittant. Nec ille compellendus est ad Apostolicam Sedem venire, qui in clericum cum uxore, matre, vel sorore, vel filia sua propria turpiter inventum manus injecerit violentas. Ceterum si in stupro, vel adulterio, quando ea, cum qua stuprum, vel adulterium committitur, ipsum ita proximā consanguinitatis linea non contingit, ceperit, aut in eum violentas manus injectit, non à sententia illius excommunicationis erit immunis.

NOTÆ.

I. **D**em.] Ira etiam legitur in prima collectione, sub hoc tit. cap. 4. & post Concil. Lateran. part. 14. cap. 9. & etiam textus hic spectat ad eandem Decretalem.

I. b Officialis verò.] Et ita Principum janitores, ostiarij, & ceteri officiales, si arcendo turbam clericum leviter percuferint, possunt à proprio Episcopo absolvī; si autem sibi arrogando jurisdictionem, quasi id sibi permisum fuerit, non possunt ab Episcopo absolvī, ut probant Suarez dicta disput. 22. sect. 1. Castropolao tom. 6. disput. 3. puncto. 23. §. 4. Diana dict. tract. 4. part. 9. resol. 55.

2. c Repellat.] Quia cum ille, qui se defendit, nullam culpam admittat, ut probavi in cap. 2. de homicidio, ideo nec praesentem canonis excommunicationem incurrit, cap. ex tenore, hoc tit. ex quo principio varias illationes deducunt. Castropolao dict. §. 3. Molina de iustitia tract. 2. disp. 55. num. 3. Gibalinus in synop. verbo Injuria, num. 4. & qui in continentibus, & in rixa honoris defendendi causā clericum percutit, censuram non incurrit, quia percutit per accidentem talēm, non suadente diabolo sed percitus ira, vel honoris amore. Suarez de censur. disput. 22. sect. 1. ex num. 33. Sayrus in clavi Regia, lib. 3. cap. 27. num. 20. Basilius verbo Excommunicatione 2. §. unico, Barbosa in cap. si quis suadente, num. 56.

d Uxore.] Quia gravis dolor injuria accepta cum excusat, argumento legis Gracchus. Cod. ad leg. Inl. de adult. junctis traditis in cap. 1. de his qua vi:

quare desideratur, ut maritus excusat ab hac censura, quod in ipso actu turpi clericum apprehendat, ut constat ex hoc textu, ibi, turpiter inventum. Vnde dubitari solet, an maritus, qui non casu, sed datā operā, & deliberato animo expectavit clericum adulterum, ut vindictam sumeret, excusat ab hac excommunicatione; Et illum non excusari, etiam si turpiter cum uxore deprehendat, quia hoc non est illum inventire, sed expectare, docuerunt Layman lib. 1. summa, tract. §. part 2. cap. 5. num. 8. Catharius decis. Mediolan. decis. 3. num. 5. Emmanuel Rodriguez. in summa, tom. 1. cap. 144. num. 18. Sed contrarium tenuerunt plures, quos refut & sequitur Barbosa in praesenti, num. 7. & aliis relatis Hieronymus Garcia in summa, tract. 1. difficult. 3. dub. 1. punto 4. num. 75. Fragoso dict. 2. part. de regim lib. 1. disput. 2. §. 1. num. 35. Diana part. 9. tract. resol. 2. Gibalinus ubi suprā. In qua opinionum varietate distinguendum credo, an ex dolo viri, aut uxoris clericus adulteri vocatus fuerit, aut detenus, ut ita vindictam sumere possint; nani eo casu, cum non possit dici clericus inventus, sed evocatus, & dolosè attractatus, excusat non potest ab excommunicatione; si verò absque dolo, licet proditoriè, fuerit percussus, immunis est ab hac censura. Prosequuntur Belletus part. 1. disput. cleric pag. 181. Castropolao dict. disput. 3. puncto. 13. §. 3. & texum hunc protraendum esse ad percutientem clericum repertum cum sponsa de praesenti, non verò de futuro, docuerunt Molina de iustitia tract. 3. disput. 55. num. 5. Diana part. 4. tract. 4. resol. 2.

CAPUT